

復
莊
詩
問

復莊詩問卷十

大梅山館集

鎮海姚 燮某伯甫

元旦試筆

以下丙申作

蒼龍迴玉清山川耀初旭宮樹浮露光已先天下緣四
寓延上祥萬靈遂亭育遙知梅花枝暖照杜陵星招友
開新醅坐飲元氣縟願以太平心仰答昊蒼福

小雨

小雨灑天街城雲玉色指晨姿悅綿羽佳氣眷初葦大
塊年華換幽人素性諧街杯聽撫瑟吾亦委吾懷

簡溫孝廉

文禾

殘鐘西巷曉聞歌客裏春情漸覺多
縵野平宜雲色
遠山低作袖烟
拈纖鶯語月花兒市香象嬉冰
泡子河何似天橋尋舊社共攜酒
券策疲羸

齒痛

苦味領都難而令廢箸歎烟雲愁噴薄搖落警孤單
倚柱揮冰鏑看雲岸褐冠翹翹無恙舌聽我論翻瀾

同黃

體正鉏福保周學源三同年飲

名馬不驕珠絡鑾志士悅此春陽年日逢人日客皆客
酒家舊熟城南偏攜我看囊三百錢醉與不醉憑自然
門前烏柏一株樹照衣肯作雲色妍纖桃在下欲含鄂

定遲二月鶯來眠輪蹄不到靜中耳水鑪細汎當琴絃
小諧大噱鬯良日冷風而御仙乎仙歸還翦燭坐清夕
碧苔同夢春溪船

琉璃廠元夕觀烟火效長吉體

蟾鏡春懸翡翠梢玉烟夜飈海棠巢峽門龍女鞭飛電
天渚星嬋撒幻泡青轂六萌馳蛺蝶朱絙百丈冒蟭蛸
海城今夕鰲山社十二虹睂畫碧旂

東華門燈市

錦障四五里明霞蕩花綺珠箔十三樓明月天上頭燈
氣春濃月氣避花氣薰烟攪酒氣綠疏楊子堆墨紗鬟

影鬢影銜尾鴉東巷燈梯跳白索西巷撾箏舞裙襖上

兒密失父兒機

俱樂器名見帝京景物畧

毬子捉空蝴蝶飛十三懸

燈十入止百萬金錢作一市朱門釘子金獸環一更二

更人如山

婦女出遊至各門以手觸釘謂得宜男之兆曰摸釘兒

三更車子內家

出中官籠燈擁騶卒五侯七貴爭讓街瑟瑟滿地尋墮

釵宮漏沈沈四更杪脆管如絲碧烟裊玉河橋影垂殘

虹五更月斜聞禁鐘豪宴誰家席未散犢羶磨穿羊胛

爛醉醒吾行晨未歸風寒露下思添衣歡場補得

帝心苦打遍冬冬太平鼓

雙鴿篇

郎心愛妾千黃金妾身事郎無二心郎年十七妾十六
圓轉朱輪得華轂與郎生小閭門里與郎結褵在燕市
阿耶愛妾孃愛郎但看郎歡爲妾喜與郎爲水同一池
與郎爲木同一枝與郎爲帶同一結與郎爲繭同一絲
郎命妾所依妾命郎所與不願與郎分但願與郎聚郎
爲飛雁妾作雲郎作垂楊妾爲雨妾身金縷衣比郎光
與輝妾腕玉條脫比郎顏與色妾佩明月璫比郎不斷
宛轉腸妾粧郎共肩芙蓉出淥搖晚妍妾眠郎共枕鴛
鴦迴波落春影東鄰窈窕女對郎盈盈睂欲語西鄰輕
薄兒對妾依依神爲馳郎但知有妾妾但知有郎明鏡

不掩幃燈光牡丹不奪蘭草香郎心與妾相始終妾心
與郎相終始不必同日生但願同日死不必同日死但
願郎生妾先死不願郎死遺妾生妾爲影郎爲形妾如
珠郎手擎妾爲郎婦身分明妾爲郎婦天鑒之爲郎之
婦千人知郎飽妾共飽郎飢妾共飢一飢一飽與郎共
山崩川竭無更移阿耶日久嫌郎貧日日要郎離妾門
阿嬢恨郎不賺錢要郎遠客三城邊三城何嘗萃三城
何嘗葬三城溪水深水毒溪無橋三城黑沙黑沙同
鳴鶻三城多劫賊劫賊凶咆哮劫賊殺人如殺獊白骨
堆積城門高三城多白楊白楊風蕭蕭蕭蕭颯颯啼怪

鵲其下有穴狐狸鳴老客停馬不敢過年輕出門郎奈
何摘妾胸前璣爲郎換棉衣脫妾足下履爲郎易食米
典妾金纏臂爲郎市鞍轡賣妾珊瑚翹爲郎置寶刀思
郎光與輝妾身尙有金縷衣念郎顏與色妾腕尙有玉
條脫憶郎不斷宛轉腸妾佩尙有明月璫出門七月期
初六是良吉置得一杯酒與郎作離別杯中一滴酒心
中一滴血不飲愁郎飢飲之恐郎咽秋烟在鏡芙蓉彫
秋風在衾鴛鴦影秋雲不行雁影獨秋雨不雨楊枝憔悴
阿耶向郎誓不得千金弗還里阿孃從郎啗千金不得
毋來歸妾手掩面啼聲低妾手不敢牽郎衣向郎不語

心依依欲語又恐耶孃疑見耶屈一指似耶爲妾經年
期十月開梅花二月開桃李六月菱荷香青青出蒲葦
但願耶得千金歸先向耶孃買歡喜卸妾玉條脫何有
顏色強何有輝與光解妾明月璫脫妾金縷衣爲耶摺
疊空竹箱譬如生小不嫁耶見之徒令心悲傷視妾雙
睂蛾歸來記取青不多記妾領中扣歸來與耶驗肥瘦
爲耶不下堂爲耶不出房爲耶安慰耶爲耶安慰孃爲
耶日焚香焚香祝告天蒼蒼正月梅花殘三月桃李紅
七月落菱荷蒲葦青青茸日高聽鈴馬鈴馬駢駢過樓
下日落聞行車行車却向東南馳半年得一信一年不

得郎邊書有客三城來聞之欲語還囁嚅三城多白楊
三城多劫賊三城溪水深三城黑沙黑老客停馬不敢
過年輕出門那歸得阿耶從妾言負汝青春年阿孃向
妾語是汝命生苦憐汝命生苦爲汝重翦紅羅襦紫爲
繡鳳青天吳復帳六尺八箇舊四角垂流蘇畫簾六尺
三緣以鸞錦椒泥塗東家郎好光輝勸汝弗愛金縷衣
勸汝弗愛玉條脫西家郎好顏色東家西家郎手中纍
纍千金黃心中不斷宛轉腸汝還弗愛明月璫稽首耶
孃前耶孃聽妾語耶孃之愛何敢逾妾心區區當鑒取
妾心區區天可盟妾爲郎婦身分明不能郎生妾先死

忍因郎死偷妾生與郎不終始妾身尙何俟不得郎骨
歸妾心猶狐疑沈沈白日鵲啼黯黯夜色蝙蝠飛夢
郎向妾笑如郎同居時夢郎向妾哭如憂出門無還期
夢郎三城歸黃金百笏青駟驪夢郎流落不得歸面目
黧黑無完衣阿耶逼妾嫁朝呵暮罵相摧靡阿孃逼妾
嫁長荆短棘來鞭笞耶呵罵豈不恫孃鞭笞豈不痛思
郎生死猶未明妾不輕生爲郎重前門鳴烏鴉後門鵲
聲喜烏鴉何悲鵲何喜十月開梅花二月開桃李今年
六月無荷菱蒲葦凋殘北風起見郎入門來見郎如夢
裏視囊不得米視衣衣無襟馬死棄鞍轡繭足徒步如

炮燂顧彼腰下刀，麝無光彩生愁霧。郎歸不止黃金千，
那願郎得千黃金。記妾領中扣與郎，量肥瘦記妾雙眉。
蛾爲郎憔悴，青不多爲郎憔悴。青不多郎真死矣，還如
何望郎滅光輝。光輝不如金縷衣，望郎苦顏色，顏色不
如玉條脫。幸郎不斷宛轉腸，佩之還似明月璫。耶孃怨
郎身，手窮囚妾不使郎。衾同生不同衾，死同穴妾雖無
言，妾已決含笑語耶孃。妾有玉條脫，亦有明月璫，簇新
金縷衣，摺疊空竹箱。爲郎市賣贖郎罪，抵郎歸有千金。
裝阿耶笑語，妾還爾鴛鴦飛。阿孃笑語，妾看爾連理芙蓉枝。
鴛鴦遭網羅，安能到頭白。芙蓉經狂飈，狂飈摧之

易狼籍朱繩三尺垂不得高掛梧桐枝下有千丈池可
惜池水多汙泥爲郎置鴆酒鴆酒甘如飴但得生死常
追隨此酒不減同心杯妾飲琉璃杯郎飲白玉瑣以斧
斧木木不離以刀斷水水不斷同繭之絲不可剪同結
之帶兩頭綰稽首謝阿耶阿耶不必悲咨嗟稽首辭阿
孃阿孃不必中心傷有婿常貧賤有女不遂耶孃願但
願耶孃壽考同百年郎死不值千黃金妾死不值黃金
千西鄰來看妾密紉條條羅袴褶東鄰來看郎儀容皎
皎明月光東鄰西鄰長歎息蝦蟆抱桂光采蝕朽鯁龍
淵黝誰測東鄰西鄰語我前要我製作雙鴛篇天缺不

得女媧補海缺不得精衛填聞我歌者當涕漣郎年二十
妾十九郎姓黃妾姓柳郎揭畚妾箕帚雙夫蓉何憫
憫雙鴛鴦地下守朝打孔雀夜逐狗孔雀雌雄狗牝牡
天上所無陌路有陌路何能避挺扭聞我歌者淚一斗
不譜吳箏譜燕缶

絕句

風多涼處多垂柳燕不歸來不下簾琴柱自調絃自撫
爐灰誰撥麝誰添

阜成門外利瑪竇墳

一天開別教八萬里流民學乃儒之墨臣爲帝也賓客

幽元象秘木槁悍獅馴寄語邱良厚朝華已不春

邱良厚傳

其教者瑪寶紫髯
碧眼面如朝華

馳馬南郊遊

春雲綿綿楊柳枝微風吹若春江漪江光照動沙霏霏
上有千丈不斷婀娜之遊絲高下引逐黃鸝飛下有美
人聯轡玉驥裊柔鞭拍絮烟飄衣客心亦與春相期春
心遠在天海涯眇如落日含愁思落日落未落芳草猶
遲遲西山迢迢聲翠睂嬾我低向城闕窺城闔酒家多
酒旗雙鬟含笑持螺卮酒色紅泛蒲桃姿拉箏勸客歌
曼辭白鬚錦鳥老官長千金出袖揮作泥何況邯鄲年

少輕薄兒客心於春有別樂藉草爲裯柳爲幕夕風飄
沙日已落輪聲粼粼馬橐橐來如相爭去如約客心遶
巡轉無著明須獨上黃金臺眼攝流虹舞長綃臥聽天
雞鳴喔喔

簾影

簾影盪橫波波雲天上河纖禽烟翳下小草兔絲多月
潔庭難夜心孤怨易苛昨從星女袖借得玉龍梭

作歌贈韓

式桐

老軍不能挽勁弦好女顏色爭少年春燈徹夜謔桃李
星角秋樹誰相憐豈眞努力忘及時髻絲聽爾秋風吹

秋風吹髣髴絲落秋雨飄花花氣頽韓君五十不得第
尙敢摩雲拓天勢家從別後已廿載途到窮時無一涕
漫矜賈董擅文章誰信皋夔匿經濟莊蜨棲心真栩栩
晉馬驂塵極回裔遇我西巷頭邀我登酒樓佩帶有長
劍可惜非純鉤自翻新曲彈箏篴清氣颼颼來梧楸仰
看天半動鴻影鴻影遠落城南邱芳草不盡烟浮浮其
下溝水東西流我猶未免生煩憂而君手拂白塵尾曼
聲轉作紆徐謳皎如玉立髯修修望者疑是神仙儔神
仙不食玉皇俸須從猿鶴山中遊山中之人弗相顧揮
之末路同閒鷗爾鷗飛飛且休春江英英蘋葉綠秋

江芙蓉翦湘縠江魚如鍼菰米熟月渚星磯可棲宿爾
誠爲鷗我當鶯養成白羽輕六銖浩蕩乾坤謝羈束未
不見錦衣駟馬雲蓋車揚揚氣攝村侏儒功無可紀傳
無書委蛻而逝神還虛聲名一瞥飄風徂君雖老矣歸
有恃必來求此將何需

晨興三章

晨興撫竹深意自幽雖非空山於氣獨秋露之英英鳥
聲載柔言警其素言厲其修

天始含穆孰見其真崇蘭可擷吾以帶紉黃耆在堂閱
無百春匿憂忘悅吾感逡巡

冷然以曾坦無爾猜城樹不滓遠綠自開和風習習樽
酒醅醅爰命我酌佳人肯來

遼女辭

遼東女子騎駱駝靈蛇四絡卷綠螺蠟花金縷壓繡領
打墻能唱番兒歌香睂秀損壺蘭峪纈眼春掠珠子河
沙鼻故宅籍作衛可憐骨肉誰郎哥有孃遠嫁烏蘇嘿
阿耶充軍白都納冰天毳幕嫗如猴蜎刺當胸布斜搭
魚刀六刃屠窖羊搗血爲膏注蠻榼五更起漉酥酪紅
嫩手纖莢聽摧拉十三乞食倒馬關十四流落扶柳城
過城楊柳二月青三家冷店無人停篝燈夜伴孤婦宿

踏露晨隨煤鬼行
紉花自護娉娉影
抱萼難言窈窕情
繡豸軍門領牛衣
不惜千金爲伊贖
羅囊重拭檳榔珠
玉腕新承薏苡粥
嬌喉嚙策冠句驪
趨足緣竿絕獯鬻
騎尉升堂摘印馳
崽子登車抱匱哭
嫁作斜巷與人妻
乍可漆髮雙肩齊
螻院搗碓月脈脈
蟀床織布烟淒淒
遼陽北望揮鷗鵲
部落不見阿保機
四樓森森萬木葉
昨宵夢逐雌雕啼
嫁夫夫死身誰主
膜拜天魔學姪舞
釵排銀雁秘華粧
綵縛金蠶種愁蠱
綠珠樓前桃葉雨
明妃塞外臙脂土
四絃在手鴛鴦槽
變調淒涼新樂府
淒涼變調遼女辭
聞者當爲遼女悲
諾尼一水空西下

鐵背千山莽北迴錦毛大馬賈胡店韞臂驕鷹遊俠兒
篋中那有閒纏錦爲爾春風媚及時

何紹基紹穀

昆季招同沈

珪許瀚

江亭飲酒

入窻明翠劃烟波靜閣高筵謝綺羅對酒山川芳草闊
入關風雨亂雲多幾人早遂彈冠願有客能爲拊缶歌
晚磬聲中吾醉矣醉看歸鳥下林阿

客自故鄉來留飲寓園並詢家中近況繫之以詩
幽庭小立晨索詩靜聽鵲語牆東曉推門忽見故鄉客
恍如夢寐還迷離先言吾室各無恙然後歛致寒暄辭
胡爲顏面似吾瘦光彩大減鄉居時爾因行路致勞悴

吾因久客多鬱伊鬱伊在客何能揮勞悴祇與風塵欺
幸爲舊侶共爲客且乘佳日斟佳醕露光動槐涼有姿
初旭到檐明蛛絲高城獨鳥白雲遠空階亂蝶蒼苔肥
頗如吾鄉晚春候簾床共泛青頗黎但無烟海蔚藍色
暗浮山黛來染衣君出門時上元節玉蛾方開燈九枝
鄰家燈棚高過屋正照吾屋三了梅疎花綴梢極纖瘦
君過吾屋當見之曾見童子挽雙髻騎燈如馬花前嬉
花陰簾櫳一簣影娛此好夜須停機停機入厨辦羹脯
酌我堂上歡解頤應將別後瑣屑事浼君傳慰羈人思
羈人思家已兩月兩月無信頗怪疑誰料家人憶我心

近還隨爾車輪馳明朝上巳三月時大江菰熟多紅鯪
西院迴廊數竿竹貓頭笋可穿吾籬買鯪斫笋作寒食
復應盼我籌歸期還緣憶我並思爾謂浼爾者吾當知
古堂萬柳城東隈下有清沼瀟裙宜瀟裙流觴士女集
與爾挈榼聽黃鸝莫同泛友互謙遜見爾不啻兄弟依
清明三月入立夏夏初決意先君歸歸時君有慰家語
非我去慰當浼誰君家柴門臨水湄五月六月紛荷茨
吾以手搨香離披借難寄爾天之涯

春闈試畢戲示同寓友

番市誰能識寶碑文章自古有籠笈要騎上界三霄月

恐誤長安一度花
螭螭人同蛾出繭
瞿瞿自笑馬生牙
夢邊多是孫山路
莫咎朱衣罩眼紗

徐編修師及葉

紹本黃爵滋

兩鴻臚黃編修

式琮

汪喜孫

陳慶鏞

兩戶部招同人四十二人江亭展

禊賦詩得五言二章

羣尊向暄淑太煦
浩流演境在意各
往所會異深淺西
山逼蒼潤高城不
可限野樹出雲媚
原草得風展遠象
匝行杯生氣協同
善良觀有今茲微
情轉難遣

片石揭遺序撫墨
追昔賢精華耀千
載詎以文字傳

孟慈

先生以宋揭蘭亭卷後書同人詩文蘇棗花寺故及之

抗古有真際藻采特外緣

復莊詩問

卷十

三

大梅山館集

歲月去泱莽此任誰爲肩憑闌俯烟海落想青蒼間但
覺氣蓬勃雲鳥偕迴旋

迴思八章

迴思袖斧覓瓊柯躑躅荒山遍尉羅馬歷太行知陸坦
花經狂雨識風和漸師素女諳丹鼎莫悵黃姑隔絳河
但願廣寒八萬戶清輝不蝕照姮娥

齋院何堪匿狗屠可憐掣手碎珊瑚悔將薄倖誣元稹
誤以狂且誦子都好攝雲魂藏石櫛重收月氣貯冰壺
怪伊碧眼匈奴客酒鼻山尊飲酪酥

慚媿平輿沈下賢風流猶問永和年霜煤細撥烘花窖

濯氣濃斟種玉田已脫煞宮磨蝎命在拋禁院厭蛇錢
天孫難說裳無縫紫鸞羅襦尺寸填

夢踏沈香白下街選春尙佩牡丹牌玉山花悴成薦綺
金谷霜寒有凍芡願祝春霽消蜨劫敢燃祆火照狐骸
蹴漿小試刑天舞溜損鬢瓏髻一綯

青蘂紛葑白蜺翔感甄詞賦太荒唐頻邀祕佛參靈咒
擬拜飛仙乞壽方香界無塵遊翡翠天門如砥控騶黃
況傳惡水潮驅鱷好俟空山石化羊

畫篋春衫褪水蕉照心愁拭虎符銅埋囚劒氣思雷煥
入爨琴材感蔡雖幾打青禽傷比翼誰縑素繭辨同功

衡湘客雁都歸去天末秋霞媚晚紅

九道如繩大火流西風迢遞薜花秋
侏儒那解量天尺
沙漠原無望嶽樓誰遣范增重事楚
須知李密早臣周
微時犢鼻禪猶在悵矣臨卽賦白頭

瀛臺花暖奏龍璫記與瓊蘭賭鳳袍
苦渴暫消資魯酒
辣腸快斷借并刀迎風楊柳無還絮
鴈渚鷓鴣有禿毛
卻笑附羶猶蟻集眼看禍水汨天炭

飲輔國公園亭歌者絳兒索詩書四絕句

水閣銀燈照雨絲樹光流袂綠差差
筵聲軟與春搖弄
我憶江南舊柳枝

蝴蝶銖衣颭玉叉櫻桃含露媚初花只堪今夜無蟾影
辜負涼痕滿碧紗

偏對愁人唱懊儂鵲華春秀褪睂峯舊痕未浣羅巾淚
又向尊前漬一重

晴色中宵上畫屏貼波蓮葉動疏星迷茫吹到風軀語
可是江湖夢裏聽

集選句寄王之衡楚中二章

渺渺陵上道恨恨不得辭悠悠君行邁茫茫終何之佳
人守覺獨燕婉及良時顧念蓬室士蓄意忍相思昔爲
鴛與鴦恩愛兩不疑今爲參與辰出宿無歸期自我別

旬朔閨草含碧滋送君如昨日泣子子不知繁華映綠
渚流嚶復滿枝柔條旦夕勁采此欲貽誰

皎皎天月明照之有餘輝空濛如薄霧蕭瑟入南闌中
夜起歎息草露沾我衣俯臨清泉涌輕衿隨風吹少小
去鄉邑裘馬悉輕肥撫鏡華緇髻不知今是非佳人眇
天末分手易前期愛而不可見中心悵有違願爲雙黃
鵠左右來相依逝者一何速淚下空霏霏

夏夜壺園飲餞長歌留別編修師並示同寓諸子
得三十五韻

鳳羽不綴綠玉琴春女但斲紅菴心天闌十二虎豹睡

赤樹染遍珊瑚林，鯢生無才出窮戶。板桃援李皆蕭慘，
醖粥淋漓頗矜飽。沸藥眩難救瘡，單衣蒙頭走京洛。
帶葉凋敝餘蹄涔，苦騎矮馬覓黃蘗。羞隨華帽驕朱綬，
市骨之臺今不築。灑涕而泣烏乎禁妄遵，屈例拾香草。
古怨小續春蘭吟，斜街樓閣極華綺。挨燈送笑狐睇淫，
珠屏水膩薰晚麝。雕槃玉坦堆秋檣，佳朋聯袂造芳社。
每忘燭炮忘夕陰，揚灰乍集鉤喙鳥。抽刀欲斫長鼻鰐，
蓬茅卷風蔽萬里。坐疑海日埋愁靈，閉關自忧學新婦。
裹腹誰辨雌雄，妊堂皇大路守軌轍。巨書座右清白箴，
由來憎謗起纖末。使予動足深淵臨，荊州匿愛入肝腑。

感通一氣逾磁鍼若蒙塵垢得湔洗空翠重見聞風岑
程門喜作一年住窻駒過隙何駸駸維摩秘授大藏旨
上藥廣攝鈞天音陳書季子復遭黜危愁恍若雞窺燐
官途楊樹老垂綠齊東大滌方積霖脂車在戶有畏色
況其繫我衷情深滄浪舊約且弗說蓬萊官闕愁目沈
羣公顧視亦狼狽共舒手爪來結紵高筵六尺尙環坐
聊拚歡樂觴同斟清颺蕩影四帷月疎篁修眇松欒森
膩苔微澣得清露踏枝來語雙么禽明嵐一抹照城草
高雲空闊開吾襟明朝嶮徑試鈴鐸曉涼自夢蘆溝衾
我歌能使唾壺碎拈衣攬袖空情悵垂纈西序示圭式

好資礧錯成天琛吾行言采北山蕨有懷或賦西歸鰲
津門秋晚下蘋鯉錦緘與我書千金水荳蔥瓏隔烟語
釣磯屋俯滄江潯

高日

高日照高林亂雲吹亂岑飢鳶無勁羽病馬有窮心廣
術人都換鴻文力未任行藏同轉轂何以慰來今

別詩

但言相見易不言離別難舉車各一顧惻惻含悲酸朔
風天末吹南鳥爾亦乘時歸去早吳江花月正清妍莫
向薊門怨衰草

黃村和林

溥

題壁詩

夢回雙闕遠春盡百花飛此去愁彈劍無言淚滿衣
沙雲空爾捲檐鳥漫人依多少天涯客紛紛各自歸

曉發固安

天小城如甕樓高巖建牙亂河喧渡馬危樹肅巢鴉風
礪沙生角雲昏日閉華客行殊苦怯貰酒一停車

雄縣

破堞參差見荒原浩蕩開通津臨上極割險失雄才掠
穀飛狐遁摩雲鷲鳥來瓦橋逢醉俠韞矢上軍臺

趙北口

隄尾接燕嘴天帶纏虹腰津沽滙靈脈清氣盤如潮上
鴻落叢淑下鵬栖葦坳風條媚村旆烟簫浮漁舸窺其
蔚藍極但有青蒼包淺眇得深悅近適忘遠勞焉知寸
軋間飛塊千尋高嶽人厭芳佩拾葑將安要

棗林莊

紅阜千楊蔽夕曛土門萬枳沒荒雲羸秦未索亡餘籍
趙宋誰張潰後軍掠翅風斜鷹擊壘壓蕪烟暝馬依羣
何人擊筑歌商楚掩耳驅車未忍聞

鄭州集過王嬌灣

棗花門逕苜蓿肥井闌水澀生苔衣斑斕沙土半脂黛

迴風蹴作蘋烟飛愁人弔古情無依亂鴉撲樹明斜暉
村姑椎髻簪楊柳錦帶纏襦悅蒙首粉光不澤雙輔嬌
上馬琵琶效垂手青春未盡朱顏凋矜妍作態徒爾勞
千年故里香魂獨萬仞邊城霜月高

瀛海驛爲始皇求仙處

幻惑極所至搏土能黃金海雲在堂戶蓬萊或匪深六
王盡天札干戈已電掃阿房營未成白日照衰草下壽
無百年冕袞厭卑小混沌破晝夜九野飛蜉蝣往提崆
峒劒踏霧追青虬東王西母在荒落一勺滄波眼中涸
沙邱之魂猶未招封禪文章後且作

賦得大道柳八章

何處瑯琊宅驛驢古道開
燕飛香水驛雁落尉陀臺
客倦驚飄梗江春憶早梅
誰看夜深月照過漢營來
但有暮雲合更無幽鳥啼
來時霜葉禿昨夜雨聲淒
未解分人恨何緣繫馬蹄
關心湖水曲高與畫樓齊
底事斷人腸花飛滿店香
烟譙吹觴簾露草宿鴛鴦
桃葉江干機羅敷陌上桑
風華消歇盡莫此認橫塘
蕩子天涯別閨人日夕愁
春風撩繡陌曉色倚粧樓
錦字緘方啟車輪行未休
待須攀折寄清露泣先流

誰向西風裏來聞落葉聲清霜千里白瘦馬五更行況

有哀蟬語能無憶舊情只今好顏色尙使客愁生

公子雕鞍馬佳人檀板歌長安春色隔別夢感逾多寄
怨無蘭杜相思况綠波可堪斜日盡烟氣滿淖沱

垂垂千萬絲撩亂不分枝幽怨若爲結春愁未慣持向
誰博憐惜工爾舞腰支知否靈和殿風流異昔時

壯得封侯色華旌夾路飛飄搖如儂苦含態亦相依繡
谷多芳樹蓉湖有釣磯此行好風月還我薜蘿衣

東光驛道中遇徐

壽昌

京門秋色緊鍛羽落東南得見翻嫌暫牽衣各未堪我
行猶悵悵君髮已毵毵後會憑何許天涯此駐驂

宿平原和魯一同夜過德州韻

古驛停鞍遲未行柳梢斜挂月鈎明年來聽曲心情懶
枕上淒涼數柝聲

自金雞店至腰站

天光蟲蟲黃日發鞞田十里少牛犢青騾蹇蹇行力敗
僕夫袖手與頽憊征人感目增長戒板轅僂背歛襟帶
後車忽作鼓聲搗旱霆下上地維碎朱纓翠葆各成隊
轟轟聞聞勢如潰一麾幸奪虎牢隘土壘吼啤復南礙
銀蹄雀躍恥停退升高而隕無怯悔若琴張絃直四轡
驚砂亂石戰茅薊出危就坦氣益銳夸父望塵倒戈北

蒼黃咫尺變沈晦驕陽無色以氣囓須臾下車衆響歎
伏獸脫阱囚出械林陰坐息面青藹招風散髮得酣快
大斟苦薺飽蕘稗意弛神定轉無賴聊述理喻告儕輩
慎持忠信赴恬泰翛然倦臥絕塵瑱夢醒月掛葦簾外

荏平旅夕聞歌

去年楊柳紫客衣露香成幄黃鸝飛今年復向柳邊住
側側輕鴉掠烟去去年柳葉垂青髻今年柳花如白頭
春雲搖蕩春波流春歸荏安能留斜月下窻戶微風
吹白紵誰家兒女年十五隔幕琵琶弄幽語城頭藜藿
譙鼓聲巷雞喔喔村犬鳴危絃攙雜不可聽若拚若抑

傷我情夜光如水天星明照見樓上花冥冥花開亦已
落柳老無新枝得樂且樂今其時葡桃泛泛雙屈卮勸
君慢唱金縷曲爲我一奏長相思

曉發銅城驛至東阿道中雜詩五章

策馬辭銅城曉氣暄且涼初旭尙含霧已見西壁黃危
道覆叢樹一去百里蒼高桐矗天榦下棘圍如墻幽鬱
錯桺柳條枝皆遠揚雀聲奪蜩語風影碎露光蛇行入
其腹肌髮澄古香娛日出望外悅心乃倍常疑遊武夷
曲得毋天台梁

十里北京店五里南京村村貧絕背警巷屋荒無門麥

原接遷迤但有烟草昏颯沙白如雨高天青不雲民間
各野坐袒裸無完禪紛紛去車馬目擊行人行朝餐自
不保留客安有樽若有百端苦難爲過者陳我馬下坡
阪飲水甘黑渾馬飽得行路我飢且弗言

拍翠下崇阿晏水阻南麓迴灘亂沙嘴逆瀉碎河腹莖
烟明遠翠壁色射綿綠舫舫難喚渡橫篙傍鷗宿載驅
歌就淺獨漉感泥濁圓渦細旋馬斷脊上縈轂溱洧笑
裳褰滄浪豈纓濯迷津不可問棲皇弔前躅

絕岸纏茅榛緣溪得紆道隔林見烟火野聚自村堡籬
蔓瓜葉肥塍土豆根小黃渠耳不繼赤日炙垂橈謂無

官家輸猶足謀近飽友助戒爭競耕鑿適稚老逐逐誠
奚爲使我愧塵擾行當親串謀采蕨就商皓

犂确復犂确出野還入山山根絡奇石一步千巘崿紆
迴八九里碎土無寸完森然淬矛劒細若蓮花攢蒼龍
抱松骨側頸窺靈猿飛鳥觸幽晦落翮紛日前崖深日
匿景馬重雲在鞍僕夫凜控馭客子戒喧言躑躅升天
行唏噓蜀道難荒城出烟背得止神稍閒來程引回睇
一氣蒼莽間

夜度勾龍山

驅馬夜度勾龍山馬行不行聲悲酸輿夫籠燭猛前導

濕雲上洶衣髮寒高厓陰赭豁門戶天光薄漏青蜿蜒
竅凹下澗積幽晦中開窄道如螺旋荀石排翅側鷹背
枯木垂爪撓猿肩若陷熊阱觸懸鏑疑躡虎弩鳴毒弦
丸泥可塞等秦谷日月不到或虞淵巽姨綽約掉風扇
乾闥咫尺驅雷鞭乘危一蹶忽旁柱鼓氣百倍猶怯前
夙聞茲山坐荒落環紆百里無陷田狐蹤盜跡恣跳舞
戈矛白日揮燐烟千年兵氣未消鏖雲稜沙角還相纏
前行藁炬射芒芴慘碧上與星鉤連後來飛轂磨尻齒
萬牛曳柱屢顛輶奉車錯愕恣奇眇混沌直欲無人間
金支翠羽閃鸞凰儻容飛蓋追列仙大華突兀巨靈跡

離騷侘傺湘君篇悠然脫險定心魄扶桑灼灼朝暾懸

渡汝河二絕句

去年三月渡汝水柳白春風水自波爲折長條贈離別
亂烟蕭瑟賸無多

古渚無舟有夕暉蘋花如雪水鵲飛不知日夜滔滔去
流得征人幾夢歸

汶上客店偕同人作端陽

抱蔓瓜黃槽酒碧相偕客裏度端陽愁心草草看長日
風物依依話故鄉別店歌殘花氣午當軒樹密枕陰涼
薄酣高臥得微適落照荒城又雁翔

雨愁南沙河題壁

十日車行苦焦渴忽吹沙雨得涼陰亂山漸漸洗烟樹
下陌低低飛水禽迢遞西風來海上遲迴南雁有歸心
暫投野驛謀安飽酒味人愁各淺深

獨漉篇

獨漉獨漉水深泥濁泥濁沾人衣水深沒馬蹄馬心日
向北人心日向南人行近鄉里馬行何以堪蓬萊在海
上天無梯明月東上落日自西擲蘭爲佩過春不芳星
河若晝棲烏夜翔獨漉復獨漉車輪生四角昔往楊柳
青今來麥田綠杳不知余懷之安托其或驅淇里而鞭

浮邱呼吸六合驚萬古寸心太始同遨遊

車行棗花下

香來昧所自卽之還疑無翹首見崇柯黃粟金紛敷瑣屑似巖桂一一明鄂跼夕意月能媚晨態烟爲梳離塵絕攀擷野蜨升徐徐飄英未及地若將依我裾芬揚倘不遠氣鬱誰能知停鞭一爲戀至悅適靜娛

臨城驛五更冒雨至陰平雜咏題壁四絕句

絮被氈帷不匝車枕邊風激雨絲斜悄然不寐淒然警聽盡殘鐘聽曙鴉

藹然衆木鬱晨色山氣天容接大青恍惚涼秋看烟海

復莊詩問

卷十

三 大梅山館集

風濤無際拍空亭

天中氣候接三霉風物吾鄉記昔迴日落柴門夕烟起
亂蛙如雨野荷開

晚光入霽適行路涼氣能留暑氣刪上陌慢歌泥滑滑
橫簫好唱月彎彎

馬蘭屯二章

黃土牆低野樹高頽檐四合冒蓬蒿昏霾在戶雲生肘
冷僻無春地不毛耆老懷安謀還徙行人覓食感蕭騷
安能一雨深三尺斜日溝陰臥枯槁

十里燕河齧土塘未晴天色晝荒荒誰教事後籌災政

喜及時清撤戍防廢壘摩雲無燾影大風吹野有鴻翔
我來弔古思荀令一片菁莪沒墓岡

雨後出岔河野望雜興五章

攬轡東徐道風光入望遷居人忙打麥天意屬豐年漫
說通輸易還愁補救偏知曾前夜雨千里遍齊燕

宿雨沐朝暎涼光到地溫耕童黃箬帽餉女綠絲禪護
果茅當逕窺籬犬隔門門前禾百畝晴碧盪云渾

野菜花如繡滿塍黃蝶飛翩遷逐風去撩亂上人衣佳
日留春態勞心羨物機林陰接芳草天宇極清暉

榆柳參差樹村莊八九家山幽知地暖五月見桃花牆

角忙分秣蘿陰罷浣沙適機忘日夕隨分習耰耬
草藉水牛眠溪迴出釣船石泉濺作雨林氣蓄成烟野
鳥迎暄語山塍入晚妍柴桑知不隔塵慮一爲蠲

食杏

首夏已過櫻筍節漸知風味到壺瓜忽從客裏嘗新杏
倍使天涯感物華色淺却宜桑落酒渴深還覓道旁車
吾鄉蔥鬱城南樹春雨何年始放花

官湖醉歌示同行諸子

微颺動陌禾黍颺柳絲短短白日長輕車聯轡走迤邐
車中之人皆異鄉翛然水木開野莊簾檻下俯官湖涼

五人七人齊卸裝
瓦缶紛還羅酒漿
酒酣橫管歌激楚
羣馬脫櫪尻首昂
官湖百里流湯湯
源通七埭趨呂梁
淮流汴水互襟帶
睢泗絡背如環牆
芒龍碭虎昔與漢
王氣上鬱天門蒼
麾戈血戰慘靈壁
屠軍十萬輕牛羊
烏江恥雪布越死
剗削大命違天常
歌風嵒嶭沒荒棘
至今風慘雲不揚
冤埋狐死無遺當
落日但有鷹隼翔
居今悼古信何益
且盡歡樂飛榴觴
菰蒲匝岸起烟靄
秋風未戰根已黃
沙鳬渚鳴與閑
散新蘋古藻紛色香
草窻風格最閑雅
謂周帳帆同年
昨行滋汶同勒繯
驚沙驟雨各飄泊
青燈襍被知何方
魯潘二子亦奇特
四農蘭岑於三日前

湖青城玉壘才頡頏先驅三日走淮北美人秋水空相
望安得聚首暢今會勿令離別增感傷眼中之人亦鴻
燕後期南北還茫茫狼星照隘蹴孤騎鼉濤橫海飛危
檣古懷今意兩縈礪縱使有淚難成行祇須買棹走吳
會直從揚水踰錢塘竿綸百尺釣蛟蜃羣蘿作帶蓉爲
裳不然泛葉渡瀛弱驅叱朱鳥揮扶桑不知人世有歡
怨奚論天地爲參商高歌未竟竹欲裂四座錯愕咸驚
狂鈴聲替戾上車去沙天浩瀚空夕陽

花燉兒謠

花燉兒無人棲青青野麥牆屋齊白日烟斷鴉鵲啼

宿遷山行

平綠低斜照危山向夕行
草濃埋石色沙滑帶冰聲
萬
鰣趨淮岸孤雲下角城
馬蹄知亦倦躑躅起悲鳴

車中對月

野露淒然濕敝袍
夜涼極目向平皋
風吹白雁一行去
月與青天萬古高
嶽氣如虹噓北斗
河聲挾夢走南濤
樓臺楊柳人孤影
幾度停砧盼大刀

復莊詩問卷十一

大梅山館集

鎮海姚燮某伯甫

楚關五章

楚關峩峩出關馬多落日平野馬背生緒
大河山青下有孤城孤城如斗上見楊柳
驅車驅車我馬不馳馬馳無力御之以德
夕露在草濯我枯槁初月天中雁飛正東
東雁過山南馬入關我行千里勞勞曷已

曉霽發順河

天光浩蕩晨曦開斷雲片片魚鱗吹好風習習東南來

復莊詩問

卷十一

大梅山館集

拂人衣袂清無埃高原鬱潤欲下滴遠山隱秀難平窺
新菱芽短水出沒晚菱花小烟縈迴蟬聲乍停蛙語接
塘燕側逐林鳩飛夏中氣候等春晚天宇四溢皆靈機
適行八日達山左憑轅蒿目增慘淒赤陽槁土萬生暍
村戶荒落人烟稀夜來雲氣洶西北沛作甘澍連青徐
淮堤泗牖各流活塍溝如縷通息鷺寧榮不慮禾有耳
大穰可卜秋無飢蘭足塵帽路行客對此亦覺清心脾
桃源儻容移宅隱吾將襍褻從扶犁

紀夢

日月吐納雲五色鳳獅翔舞海三山元穹無象接太始

青土如坏是大寰水府靈官蒼玉佩天魔姪女妙華鬟
不知禪繼經千億嬰姪丹珠餌九還

抵王營河口

天形分斗極地勢限河流日氣低生霧濤聲壯入秋山
陽失歸鳥雲外落孤舟一角瑯琊樹蒼茫鬱海州

渡黃河大風

安許片槎浮浩瀚頃教萬里達昆崙天泉土液交黃濁
北海南江絡戶門忽縮山拳持地紐乍翻水弩破雲屯
風雷在咫尺堪呼吸日月如丸自吐吞

清河

相地得區要開津利上供連雲走舸艦排牖固坊庸入
饌江魚賤分香野樹穠甘羅城下水日射氣溶溶

移風牖

理棹循長津三里一微曲岸樹鬱明秀照水似新綠人
語雜鷗鳬烟色澹村屋夕日含尚絢山藹吐且蓄天空
景善變暑退氣猶溽微雨忽東來薄灑意已足延賞集
羣妙澄慮寡埃濁良儔各栩栩攜尊醉芳醪

范公湖看荷花

湖山照翠睂娟娟湖風曳柳青可憐柳絲裊裊垂湖烟
烟外亭亭開白蓮蓮花自開還自落蓮葉深深翡翠宿

清曉疑秋雨痕白前夜無人月華綠湖邊村女來澣紗
岸上行人自看花花姿人影波心競側葉交如團扇遮
殘花飄滿橋西路翡翠翩翩過橋去楊柳當門是妾家
今日飄花昨飛絮

千金亭

天半振鸞隼山雲閒自秋千金亭下水不向釣臺流

三十六湖

春水王郎曲誰橫玉笛歌湖陂三十六烟雨至今多

界首舟中

落照平銜遠岫微斷雲斜逐雁行飛回廊烟樹陰陰見

別浦漁舟緩緩歸去國口長情自懸到鄉期近夢翻違
奔馳歲月空孤劍蕭瑟行囊有敝衣

泊露筋廟

涼月下簾蘿荒祠向石坡野蓮風已落原草露猶多水
靜魚張樂天空鳥避羅淒淒今夜泊倦客感如何

召伯埭

澄湖上照天生波宿雨未盡雲按摩舟行清曉若秋晚
涼意得自湖風多烟聲械械暗低葦露光泛泛明初荷
迴堤樹藹與平接直疑水遠無坡陀飛鷗翔鷺望中沒
帆影瞥又樽前過歸人覽物感無埃曷暇弔古東山阿

揚州作八絕句

竹西亭館住誰家一桁疎簾有綠遮
檀板玉箏久消歇
過江梅雨但鳴蛙

荒阡羸馬饑誰飼野戍寒燈曉尙明
閒散新城屯守卒
坐閱葉子當談兵

夙聞楊柳滿隋堤水影參差綠不齊
一自亂軍更伐後
春來無復聽鶯啼

空城角響警樓鴉隔水蕭聲怨落花
牋有紅橋明月色
淒涼去照玉鈎斜

烟苔匝遲走駐蹕
藉日浮城草不蘇
莫怨春光似秋色

鮑郎見日已荒蕪

畫樓靜日漾游絲綠密紅疎燕亦疑輪與瓜州好山色
一匝曉影闌娥睂

平山一角尙虛堂露葉風榛暗蜀岡多少園亭變邱壘
遊人只記有歐陽

吳雲楚樹鬱盤迴萬里江天浩蕩開城子山頭臺百尺
更誰立馬賦詩來

瓜州

江近景且鬱流急棹偏緩養意溢春象破睡愜晨眄雜
樹泣蓬勃低草與迴展疑有山翠沈轉覺水光淺束葦

分紫根鬐蛤下青笕雨止藹逾潔風過氣能善石城絡
河牖潮撼昔中斷但餘破碎形到岸勢停限采石相屍
背廣陵此昏齟誰憐彈丸地終古禍兵燹時平防久撤
壤腴陌誰壅孤吟望烟末千里忽平遠

渡江作歌

去年三月下淮北入晚飛濤碎羣綠今年五月南入江
曉雨連山出新沐浮玉鮮翠焦山青低鬟綽約如嬌晴
中流北固閃金碧畫鸞插翹翹復停層樓高柴石蘿色
迴潮暗挾虛鐘聲鐘聲未絕潮忽怒怒潮山立山與平
西帆東鳥亂無所楚天越海齊大冥扣舷浩唱吾吟塢

龍氣上涌衣裾腥但疑日沒已垂夕漸聞人籟知有城
天吳跳擲驅百靈金支隱現虹霓旌誰於烟尾劃霞彩
若摩鏡垢還空明風楊乍整燕爲集岸蘆尙颯鷗早醒
遙峯幾笏見淮海清氣一往連幽并可憐鐵甕百破碎
當時枉瀆蕭梁兵孫吳曹魏亦草莽但餘石馬窺屯營
元嘉隱士娛水竹潤州節度開軒楹春蕪匝塹變牛宅
風雅何問勾吳亭干戈文字兩消歇明日山川亦陳迹
山川變幻况須臾吾身哀樂安有極且倒金樽吹鐵筴
樽酒易盡筴易裂黃鶴樓遙墮仙翮太白吟魂招不得
何須夢去騎鯨背快吸江波盪胸臆眼前千里變秋色

天地無情滿涼碧

甕堤行泊鎮江作

居民善狎水廬室周隄防驕風盪江氣瓦色參赭黃返
影還入流甕角軒欲翔風定復拔立若恃堤固強堤高
但尺咫兀與江流當江流折益怒不讓堤勢昂天吳摩
巨刃一麾朱旗揚戰籟洶百變鼓鞮金鏗鏘墜溜駭雲
碎跳沫霏珠光江影忽黯黳甕堤勢猶翕張審視虛其中
積甕如堵牆胚圓卵累石孔細蜂攢房洞內始容外至
柔乃折剛人巧信無俟物理悟有常夙嗟江漢間迭歲
憂歎荒誰哉任屏牧力扞東南疆

新豐水

江濤鬱南隘河流順北瀉兩勢交盾矛抵拒不相下盤
渦驟旁溢汎濫沒田稼雲氣重難塞雨力勁偏借舟師
踞危舡長篙拄堤罅蛟龍穴其底饒眼碧相射前帆苦
風抑倉猝不能卸縱之若弩疾觸牖陡平研後船絡長
纆赤舡走且咤少弛退或蹶猛挽進得乍客意諳風波
屢閱神轉暇但苦久饑渴無由覓村醪丈碧沈岸荻寸
綠露原稔蕩汨及牛羊流亡少村舍長吏相圖經百計
策防垣澤弱易成斥委念但隨化居民陳災苦憫極反
增訝大漲接小鹵菊秋甚梅夏量日候剛午鬱霧晷疑

夜牽輓踰曲阿吾險固已謝

丹陽

水東城接水西堤南埕高懸北阜低背郭樓臺烟漠漠
連江芳草雨淒淒誰籌漲旱勤疏塞久怯流亡厭鼓鼙
輸與持竿青箬叟提鷗犂鷺釣前溪

真疑二章

真疑瓠子宣房決遠軼京江灌練湖吹蛤荒田沈豆麥
狎人深屋亂鷗鳬國方下詔求時瘼官且懸書問舊
租極目橫流感滄海浮天雲氣亦寒蕪

昔慘流烏少宿枝今聽大澤雁啼飢直無江海堪儲水

轉說齊梁正旱時
亢濕應難憑地氣
偏和莫盡委天施
寄言焦若車行客
此擁重棉暖未知

舟望

切烟濃柳護村扉
避浪浮萍聚岸磯
原草何心爭麥長
水禽不語出荷飛
當風帆濕猶疑雨
入晚天暄漸減衣
西北殘雲變霞彩
東南孤嶺射微暉

揚湖觀競渡

空江萬沫飛青雨
白晝闐闐鬧鉦鼓
下流爭避龍船來
一瀉飛翎脫雕弩
龍領滉漾明月珠
龍衣五綵垂流蘇
豹麾牙鉞肅天仗
蓋旛孔雀屏珊瑚
翩翩畫檣打菱葉

嫋嫋花竿驚鵬雛迴風細樂極宵眇袞旒絢飾尸童姝
江淮近俗效蠻粵如此窮飾他所無鴟夷流汨汨羅放
二靈不死均與胥誰勸淫祀據稗乘十姨五聖同訛誣
五月五日入霉節一雨半月城郊蕪廛民拭目候晴朗
及晴關市從嬉娛典衣鬻環助神醉租稅若可寬須臾
君不聞黃流如海京門注河伯無靈老蛟怒郊水汙汙
魚入門城雲慘慘鴉愁樹

無錫

九龍天末鬱青蒼萬井人烟蔽日黃流覽偶經如過鳥
關河到此尙垂楊石泉舊夢隨雲影酒市深花泣露香
復莊詩問

郭璞樓臺祝瓊閣遊仙招隱共茫茫

抵吳門

風振江帆急烟明遠翠開近城多燕雀迴岸出樓臺鄉語聽偏切塵勞息尙猜驚心江上樹熟遍舊時梅

阿李詩三十二韻

阿李李家子姓聶如老胡一生隨浪跡十歲隸官奴
十走西洛十三來北都華貂中貴裔細馬上方駒暮受
巡邊印朝辭秘省廬叶姓名檔冊冠袍帶左驂俱善伺
能承目爭艱不愛驅明通燃怪燭凶銳辟蝗符密牘重
緘授先程間道驅沿鄉豪橫子戢戢蝶愁龍百縣貪婪

吏紛紛鹿畏羶民皆傳有幸罪弗織無辜氣肅開秋翳
聲廉仗褐徒薦之丞九品賞以橐千珠熟讀明心鑑羞
交咋舌儒功名抒鬱勃榮寵及妻孥掃滌經年獄搜焚
大澤逋守剛殊殉復視職竟緣迂此後還真璞從前悔
濫竽寸心參宵宵六合走躍躍問道崆峒氏談禪主客
圖氣雄凌泰華朐繭蹴岷瀘地脈羅經辨天漿玉斗料
精靈能攝鬼勅勒善馴狐劍客資商劍壺公別抱壺鍊
眸星共碧鍛骨鶴同臞醉便呵騶騎間頻狎販屠近年
將八十玩俗益癡愚富貴真優孟烟颺幾邁徂拍筵相
論述擲筑爲戲吁漫結鐵椎者同抽金僕姑寄言李阿

李指爾盡夫夫

企喻歌入章

乍聞銅鑼聲信手撻羅幃獨立花影中不知遙望誰
惱人捉搦歌何如白銅蹄不是不能唱頗怨知者稀
錢刀不足貴貴其人共求江水不足恨恨其無回流
畫眉苦不長繫帶苦不短恩情及少年那肯處處斷
晨坐愁無聊如何夜來醉六月思桃花如何一春睡
早嫁不舍孃晚嫁不舍郎閒嬉過白日夜來愁上牀
一月不相見昨宵夢見伊多少可憐語只儂心上知
企喻復企喻新人不如故新人一尺羅故人一疋布

匪遑之奧四章贈崑山戴

炳垣

匪遑之奧匪駟之驚君子在痛天鑒亦既以德爲賊以道爲盜鳴以金聲不掩羣噪

躑躅中道攬子之袪宋璞可佩曷貴乎璵梧桐不實故山已墟言慎爾節以保令譽

木葉已凋秋霜未肅萬寓蒸蒸孤身誰畜惟禽之驚而投於谷惟瑤之玉而毀於櫝

言望爾鄉升彼大阜下有室廬白雲瀏瀏野草無施心亦何有聽我之歌擊子之缶

穹窿山道士索以新詩書扇戲爲二章

靈香盤勃萬松枝
明月空山虎睡時
大有神來監靜妙
每於境絕出窮思
海聲不到希夷枕
天笑曾舒混沌眉
雨露偏施多賺怨
玉臺蓮掌好平持

鯢生夙劫在虛無
那問真靈位業圖
識字聊供倉頡役
求仙肯受始皇愚
塵皆在夢人誰覺
天可常留日不徂
三尺藤牀風火界
元關黍米是丹爐

石門舟中

舊識山川竟欲忘
過時梅筍尚初嘗
蟬聲水郭邀涼翠
鷗影湖磯弄晚光
漸有鄉船通慰語
難爲塵耳得鳴榔
如何昨夜孤篷夢
只夢京華不夢鄉

渡錢江憩孫家店二絕句書壁

送人龕赭碧迢迢一葉蒲
颿趁午潮寄語西湖須見諒
客心已爲海雲邀

已覓輕船載客裝
主人留坐勸傾觴
爲言昔種齊肩柳
近得青青爾許長

到家四章

歸人未敢喜
居人未敢悲
百端語何始
默默還依依
老親視我久
驚我面目黧
不言汝何瘦
但言汝當饑
蒸蒸香在盂
晨飯方出炊
筵隅侍親坐
舉箸還鬱伊
暗憐兩年客
負此盤中羞
欲爲廢箸歎
恐動親心疑

欲慰親心怡加飯努吾力回首見病妻牽兒出帷側如
何憔悴容竟非昨所憶雙眉鬢不舒知爾怨深抑睨我
身上衣昏澹有塵色如忘親在前低頭手相拭阿妹依
母邊蓬妝未梳飾謂兄行路勞勞當暫眠息

暫眠良自佳夢猶抱江鶩頗驚蘆荻聲蕭蕭動窻竹兒
來踞牀後以手搔我足自言讀毛詩近可國風熟阿妹
同病妻並鏡理膏沐還看阿弟癡顛倒檢書簾清流多
佳泉胡使出山濁高鴻防鍛羅梁燕謝榮辱

梁燕語啾啾日暮聞叩門親鄰知我歸具酒相寒暄年
華棄飄泊媿我心力存差幸家室安仰感皇天恩開軒

話明月江氣澈無雲北指車馬途斗下烟昏昏歸者意
已適居者心已歡今夜眠雖遲各各安夢魂

秋日城北鵑桀園故池看荷花

有雲無日天如波挈客去看城北荷美人在匳冰雪骨
倒影明漪漾千月高樹四合城半陰一萬丈底山痕深
玉天不到夕陽色黛氣暗匿秋烟心烟絲自翠人衫綠
四岸茶棚間簫局畫闌柳角誰家樓團扇桃根可憐曲
去年花開六月過今年七月花猶多不逢真賞汝應怨
遲遲待我來吟哦含情致我好顏色只看我瘦情則那
晚風西橫海潮響高揭飄英入蒼莽鷗鷺飛過江渚巢

賸爾孤驅宿菰蔣鷗槃舊主魂誰招不黍滿陌邱壟高
生愁涼雨夜中急粗枝大葉同零彫更誰來拾鴛鴦翅
有以桂與栗相餉者酬詩五十六言

參之脈脈鼻通禪礪以磷磷齒得堅月可爲供烟可餌
醉宜作佛飽宜仙大千梵界開金粟第一祥書奏玉年
報爾無憂更無病與山同體壽綿綿

攬碧軒卽事與葉十八屬三兩山人

湖流到門不肯綠來照疏襟是疏竹袖中出示別後詩
君等新詩亦成軸各攜一卷倚竹讀讀未竟卷繼以燭
朗吟如蟬輕作蛩門外聞之雜歌哭石林清苦餌霜菊

樊榭餐雲秀無俗我詩置在伯仲間瘦極秋烟嵐一束
祖龍雖橫難并吞飛燕能娟任謠詠狂來直欲千古無
蹴碎屏間唾壺玉天際倘有真人窺應笑癡態堪掬
銀灣乍明月挂屋且敞軒楹置醺醺山川浩莽孤筵高
天地沈霧萬象伏吾生共聚到頭白差抵蜉蝣生命促
况乃會少離別多幾得歡欣補愁蹙後五百年人過斯
荒墳成堆野稻熟此燈明明照爾我那不盡情傾一斛
落葉城頭烏瑟縮西鄰雞聲穿過木醉須共結千丈繩
速夢東瀛繫桑旭

自浹江抵滄洲舟中得五絕句

沙背塘脣靖不烟一山銳尾一城圓能摧惡浪山如舵
把得孤城似碇船

東霍昏蒼西霍冥大游輕紫小游青

俱山名

樓船十丈輕

同葉出峽龍風未使停

橫水

洋名

橫流東海門始知溟渤有崑崙堅牢砥得坤維

住信是天恩是帝恩

螺門環堞靜宜漁驗驗巖根拜浪豬此外混茫千萬里
直踰陽谷作歸墟

裏衾如橐睡蒙頭逐浪身爲輶絮浮邪許聲中鑼十棒
起看帆角出城樓

過錢氏北墅作二章

吳越王孫昔所棲，今來宅者有山麤。
垣陰亂葉經秋敗，蘇末殘陽向晚淒。
蔽閣如簾蛛罥網，掃廊爲帚竹蠅泥。
幻泡一霎華燈譙，斷句都昏舊壁題。

密桂叢柝窳以幽，月明清夜夢當遊。
窺巢臘燕防風雨，擷蕙佳人怨蹇脩。
漫秘兼金封馬鬣，試聽急水下龍湫。
登樓吾且攄吾抱，天半神鷹炯碧眸。

登鎖山二章

天塹削萬仞，海城包一丸。
援依無脅齒，迴薄有烟瀾。
絕島通商易，孤軍恃守難。
振風凌上壘，指顧得三韓。

五馬洋心礁東馳塞子山連烽防寇盜橫鐵鎖神姦蕪
暨安相宅蛟烟近不患眼中千百島破碎笑諸蠻

宮井

再拜先皇帝下鑒臣妾心臣妾一蟻耳恩煦天日深阮
劉偵軍事偏地隨陸沈可憐女貞枝不宿東還禽初我
上命服整我初賜簪蜀魄啼秋霜未能寫以琴獨立雙
髻峯遠望梅福岑龍子待屠魴白晝橫元露俯照古井
波萬仞秋嵐陰欲識誓志堅相彼銀牀砧凜凜義陽妃
殉死良足欽危哉百鈞石而責一髮任冊誅與貞諡九
原當涕淫蕭蕭十丈梧誰種鴛鴦林隆武悲短年緬旬

空愁霖安得董氏狐合傳千秋忱煩寃錮黃土手指徒
鍛金至今棠梨花碧血痕猶侵遺碑久荒棘衆壑環崙
峯乍有冥漠風開我懷古襟

雪交亭故址弔張閣部鯢洲先生

軍藩故巷有悲風一線城厓棘路通止水在心天亦鑒
環山爲國月常中冬青蜀魄愁朱鳥晚翠南溟挂白虹
補怛遺墳吾昔拜梔花如雪耀澄空

客懷詩三章示別金廣文

士奎

厲山人

志陳明經

福熙茂才登熙昆季

仰見天漢碧俯見海水黃誰憐志士心逼入千里霜窮

行足未跋與世譏踉蹌落葉淤朽潭安用青纒長蒼苔
一尺壁削面成大荒欲撫在几琴懼爲悲風涼萬勝告
秋穫雨足龍何驤抱卷棲牖中厲此精力強精力亦難
恃旅食鴻方翔

孤鴻影肅肅雕鶚來與欺恐爾病翼折肉且供餓鷗炯
然雙眼明密樹遙相期倦雁不出巢同命兩無疑懸罌
餌之食賴有堅性持但求天不違甘坐黃雀寢當門犬
如豹葺竹森籬籬絡繹陳竚樽爲我慰調饑黃鞠未媚
春何由居所奇乘醉揮白雲拂面多涼颺

涼颺滿襟帶可御蓬萊輶胡然君子心爲我生煩憂且

騎大宛馬並轡南城頭萬山爲芙蓉高擁金翠樓中有
玉女鬟俯避落日羞羣象耿元精蓄爾烟心秋洪波逝
不返未逝名當修昔年超覽堂淒已成荒邱此誓有神
鑒莫向行路謀區區一勺漿何補東方虯歸矣明別君
別君歸且休倘遇黃石公招我重來遊

大風下蛟門

同舟十九人同命視同塵下濛蔽龍壘高天埋日輪險
來甯及悔心在置吾身網得珊瑚貴何如去負薪

客慈谿留示尹

嘉年

滿城湖氣如凍烟萬山欲雪天難妍誰家梅花出牆角

含春來照孤客顏孤客孤心眇無住昔夢東街感芳樹
芳樹主人客未歸待爾歸來我歸去

寒夜聞鴿鈴

一鴿南飛斗正斜欲催哀響作風笳清霜萬屋人都睡
聽爾無愁共幾家

長至

心氣萌平旦天倪續嫩陽酒濃人薄醉院靜鳥嬉翔太
古時懷葛先生夢吉祥野梅隨例折持以奉高堂

夜坐吟二章示內子

寒衣在典不可贖赤手思炊米無宿我心如棘君首蓬

相對吞聲抵悲哭一更月落江雲低三更屋角烏鴉啼
三更沈沈不得睡窻紙颼颼風淒淒北風淒淒颼女吹
我孤燈依依百無一可我且擊劒女且歌那復籍脣學
瘡癰

君年廿一爲我婦弱體持家苦身手君今年已三十三
報女勞心亦何有布衾如鐵曾無溫十年九臘吾出門
出門歸來看女袖舊淚痕添新淚痕吁嗟乎出門愁別
在家愁食但願東風遲遲來東風來時春草碧又要他
鄉作行客

聞鐘

復莊詩問

卷十一

七 大海山館集

倚枕無眠短燭昏杜陵愁懣向誰論荒塢鴈膊羣雞語
破瓠漂流大海渾雪裏山川殘月照夢中心腑幾人存
善防肅殺持元氣天地何偏靜者恩

拊缶歌當行路難十五章

縛雞乏力病臂苦丈八蛇矛看人舞昔年意氣摩太行
攔醉當街恨無虎潛潛涕泗從何來滑伯肘柳成廢材
讀書擊劒兩不就糟邱臥泣黃金臺邯鄲朱門盛羅綺
紅女十三媚如水戮魂不仗并州刀繚絳妻孥哭奔市
馬能蹶人失亦喜隙牖青天收萬里

眼光如豆盲未盲耳塞自怨春無鶯阿瞞早死諸葛生

定開龍漢雄西京功名易朽骨難朽龜年短促蟻年壽
揚薪沸釜愁飲遲長夜宜添八更漏負恩不報天日瘦
玉帝觀河驚面皺十二萬劫一刹那幾人解聽行樂歌
有子桐栢妻姮娥不如買醉黃金多

玉笋飾冠榮右貂盤綬佩印蘭垂腰後車虎戟懸弓珧
珠旗夢麗明月影豐頤長髯開府相禁城出入貴戚讓
五侯開譙巨鼎煬去肅衛譙門偕天仗嫉光盪醉魂未

安飛刃三更入羅帳濃春蠱燈姍姍花屏風對面山槎
枒石崇王愷乏生友寵妾青衣勸人酒

耕父沈溺野仲殢帽漉屠蘇飲元吉曼曼秉燭長夜游

暖暖欲倦頻遲畱青春未闌人白頭祖宗騎馬兒象牛
畫桃十丈堂下樹可怜移種邨山陬邨山陰陰多柝欒
餓魂黑夜追鵲鷗鵲鷗一聲亂葉落西市磨刀方霍霍
西市磨刀東市樂醉券千田注孤博

虹疏岫幌誰家樓金枝樹簾瓊玉鈎美人櫻桃出南鄭
借寵陽春托花命顏頤醜女名倭傀鴛鴦心事生卽灰
天與大力能弄椎畱侯客者聘爲婦大梁山川聯騎走
百萬人叢穰佳耦佳耦曰妃怨耦仇卓王孫女吟白頭
躑步鳴瑟昔所見十載蓬心變蓬面

鷗夷子皮善張弛卿子冠軍矯命死元王封兒羹頤侯

掃除之隸宜憤羞榮華有命不相強杼首求官亦何仗
屈身酒戶作厮養西宅朱儒動饒想軀氓冒德稱騁吾
檣杙作土咎繇誅畫象顛倒成爰書靈雨三日草木爛
烈焱焚澤虎蛇竄羈臣鉗鉞坐愁旦

奉君上座踞稽首暫撤金罍傳玉斗走卒報決瓠子河
碣石不塞滔天波束衣下堂急呼馬搥鼓傳兵鼓聲啞
守門蒼頭飲飛者挽弓射鼃水爲赭河平折箭歸課農
辭詔不肯官令公出入僂背行扶童自言病廢當稱翁
願身長壽年長豐子孫飽煖長無窮

人爲刀俎我魚肉春申難求毋望福睢陽灌嬰起販繒

弊席爲門非僇辱揮刀睨天愁雲開飛鷹逐鵠溟州來
溟州無垠億萬里狂流滂沱沈蓬萊丈夫緯繅復輶軻
中路晨飢誰飯我用之爲虎棄爲鼠西望秦關足牢裏
佯狂髡首無人憐勸君歸贖柴桑田

五圖爛熟龍躡書唾棄莊老焚陰符崆峒上藥餌瓊蕊
煉成九炁遊玉虛少君藥大隸煙客妻殞兒亡歸不得
元羅日沈初利夕桃底朱霞染晶魄魄不下墮魂不升
西風一葉空中行寄無所住悲填膺枯嘯裂作春雷聲
春雷淵淵萬蟄出蝴蝶魂愁海棠月

子都不受妖夫憐平原公子佳翩翩嗣宗詠懷感醜老

焉知仲武殤妙年洞精廕
誰氏子懣墨爲人不如死
十年蝨處容華彫春風百
拂難重嬌春風吹花復吹
柳昔日兒童今日叟柳枝
宿裊花瓏璚他年老叟今
年童及時行樂望彼美望
之不見心忡忡

蜀山礧礧累跼行何當剗
削招五丁縛身世網弗愁
隘螻蟻循庭怨荒大翠綬
鳴玉棲編蓬末班事主難
爲忠黃牛赤驥士同阜鮑
魚強奪芳蘭風髓鮑襲狗
不得阻遂使孤豚來咋虎
不如徐幹棄其寶處子猶
能潔身老緯蕭河上堪不
飢可怜李廣嗟數奇

泯王出亡辟宮舍仲連不
官國難羈駢旄夜歆晨背
盟

秦姬楚媼誰玉成張陳相然信以死灌魏名高有終始
柏枝抱雪松稟霜煦日暄風不能市清觴臨軒懷故人
蘭荅娟娟江南春金錯在佩刀光新夢無道路心無門
夫君不來山鬼瘦隔竹啼斑滿羅袖

空林縞葉颯哀素屋角星河耿將曙吳女夜坐方停機
楚客思家正行路路旁陵苔花不紅衿衣攬警鵲鳩風
寸心紆軫鬱何物苦制頓連委筋骨馮諼出事諸侯王
一劍難將萬悲割與人謀事身不周道旁棄蒯誰拾求
閒雅王孫樗里子抱玉銜珠枕邊死

大對不得董仲舒馬揚翫骸羞小儒升堂執經稱弟子

苦立顏門爭姓氏天老地典今已亡但畱蕪穢充滕囊
何人銳筆斲元氣眼中光景供凋傷有書如山積不讀
繞壁啁啾古魂哭袒衣便便大賈腹中有肥腸貯魚肉
魚肉日饜身日肥彼咕嗶者空詒癡

亂愁積草芟益多楚人拊缶秦人歌歌如遏抑缶如激
能使聞者心違和黃鵠不翔天峩峩寒雲拂落庭前柯
山容淒淒不肯綠疎綠森森是檐竹抱衾聽蛩隔竹屋
同病佳人各空谷佳人顏色今不紅意之所許言誰通
我歌有竟愁無窮奈何困我霜風中

過謝家塘少時故居感作六章

十年易三姓門戶多改移高槐當斷垣葉盡無鳥依初
暘照霜白庭草萎以淒餓犬逐病貓過牖驚黃雞緬懷
夙所歷境在心終疑晨昏有滄桑風雪誰預期

北庭兩荆樹耀日莠紫英自作枯朽摧陂地餘荒青可
憐院南竹潔綠能媚晴誰搜雲底風復覓湘環聲石隙
多斜陽照見苔色明苔色蒼以黃蹊斷苦難行空撫櫻
桃枝感彼芳華零

高樓面東敞眺及江上山夙歲吾讀書伴有湘娥鬢朝
雲如輕羅靜熨簾光寒狎我吟聲低黃鳥啼復聞振袂
重此登欲倚無完闌仰警天鴻孤俯惜城柳殘依然門

外河東去咽流湍

髫年入鄰塾按卷治毛詩名物辨異同穎悟頗有資課
餘還學吟擣搗三唐辭每博大父歡點首笑拈髭得餅
矜滿懷出覓西鄰兒掃蘚花影中坐作賓朋嬉此境如
目前使我中懷馳

握手重童侶卓傑皆成人近以相見疎談笑逾匿親故
老似霜蘚凋謝驚鮮存髭髯杖履來命侍風雨樽當年
秋譙堂散漫惟羊豚隔園柴桑籬菊萎樹多髭還憐彭
澤翁後起無賢孫盛衰有微意唏噓焉忍陳

烏衣散斜巷密幄鳩爲巢雖有東風時但與吹蓬茅蓬

茅日榮敷桃李日零彫昔年慘綠郎貧病嗟二毛東山
盛簪紱頗矜門第高一敗遠至斯今後復奚料雜姓相
比鄰業多傭販操俯仰生懼心誰來補其牢

獨居行

天霜不嚴菜甲短甕米無多酒難滿獨居憔悴寡善謀
繞郭荒山刺窮眼開門告人面顏赧閉門讀書心氣悞
策輦漠漠思遠馳一寸青施苦中卷屋楞過聲何啞啞
蔽風落葉驅病鴉燈殘有月照空壁吾影與樹爭槎枒
吾抱積慚還自嗟亦有良朋天之涯大江不放夢魂去
至今庾嶺愁梅花十年攬世艱一飯棄唾誰甘拾屠販

頗矜身命保親孥敢曰乾坤坐憂患昏昏長夜接清旦
疎鐘一鳴凍雲散膠膠屋角雞欲啼唧唧牀頭鼠猶竄
白日鏤金金鏤顏奔厓樵子多勞肩亂薪拉雜付一炬
伏龜隱鶴宜大年安生梅福今果仙胡不遊戲來人間
只輸冷雀窺琴几聽我淒彈幽澗泉

題羅兩峰畫獅

不作威猛容力大自難競伏舐青毛雛柔馴有佛性紅
雲垂朔關天朝運方盛郊藪翔騶吾六合肅無獍曾
隨貢使來舞忤協大晟稟德堪輔陽統攝羣獸命茲圖
非臆求白毫具麟頰使筆如使刀難爲俗工證閃動日

氣祥不畱光采賸誰賡萬壽篇函告 九重慶

王上舍

電章

樂愚軒席上聽吳伶歌

天門飛鞚停華鸞湘篴綠瘦風漪寒小姑無郎怨山黛
背燈狎夢攜琅玕蝴蝶醺然貼花影雪氣彈膚不如冷
繁絃蟋蟀淒管烏畫燭樓臺幾人醒眼前芳緒抽正長
江南春烟蘅蕪香深樽未使意沈匿屏風面面通玉潢
靈眸四轉珠散光去筵一丈無畱霜旖旎束縛難爲狂
月魄自定雲魂忙歌殘夜悄更續酒蘭息吹溫客爭受
苦余犖确胸有冰亦化輕颺媚纖柳

冬日雜詩十四章

啟窗坐陳硯凍墨畱宿滋忍餓惟苦吟婦頗憎我癡甕
梁雖不多勉可三日持肯以瑣屑謀役使心腑疲仰看
雲無心弄曉天生姿降雨或有憑順化泯爭機未聞賁
育強力能邱山移

良友每爽期俗客來偏多屋小未能避相對言則那走
驅空庭鷗不使栖吾柯嗟菜穿圃籬鄰雞復潛過恐其
爛泥足汗我西階莎愛靜有習心待物原無他安得深
院深匿有春風和

歌哭因細微待心亦卑賤托體爲丈夫指掌有雷電牆
陰橫老梅瑟縮羞自薦小鳥能識春隔篁意相眷拍枝

搜暗馨于鳥似私戀要知陽所迴氣已天下徧飲啄無
悴榮立身務其善破網貽世譏得魚亦何羨

夜寒信蕭瑟梧柵聊自溫蓋藏豈多厚獨犬堅守門出
庭引空眊衆象歸一渾鴉栖在高樹響澀霜風吞無雲
但有風亦使星斗昏大夢漫人問我懼孤不存峻削我
爲鶴枯寂我爲猿猿鶴宅深山具叨造化恩

隔屋燈火明鄰嫠夜方織勤勞關養生豈真昧安息在
天與之生自食各有力手足非疲癢安可仗人德富兒
托先蔭未經窮餓逼衣食雖華腴于世詎堪式田牛倘
習牽吾當藝黍稷

釜氣動蒸鬱大芋糜作羹舉室得晨飽坐曝茅檐晴兒
童被黃襖倚膝來陳經喜于閒寂中得此呬唔聲起居
資怙養易長憂難成望慮交百端何當慰其情

菜賤市傭善米賤官稅輕道途絕怨詈乃見人心平王
道不在遠軒義尙無爭顧視巷宇間禮教何難行頗慚
吾廢躬昧織還昧畊支絀雖自勞居然完所生安敢過
分求役役中心營

小病亦警勞晨興理書策過牖茶煙微搖搖入篁隙陽
光今喜暄凍解萬生適木定天無風遙山貢明嬾孱軀
吾勉支出門岸冠幘妒爾閒閒鴻弄雲有青翩微吟聊

自怡琅然散瑤碧

覽文如遊山獨往貴深造宋玉賦大言適貽童子笑舉
端方致疑引足倏及蹈須知冥念中自有鬼神告作書
貽良朋倘來證同好遲爾東軒窻攜樽看斜照
昨日防典衾今日喜贖裘既飽亦復溫朔風可無憂轉
念窮巷子襤縷衿不脩出入行冒霜乞飯無門投肌肉
天生同餘福宜善畱相期積苦勤默爲天心酬

畏寒戒出戶置酒還獨斟黃蒿雖滿牆存有空山心淳
然醉中意未識誰使深但覺疎樹風其韻皆笙琴得趣
雖有緣于我難自尋孰云華胥鄉在古不在今檐鳥偶

一拂白雲墮吾襟何須李謫仙期之天姥岑

萬象猶過駒迭出赴天造縱有黯慘時元根未嘗槁侯
命守古言拙訥勝儼巧東風被無心隨地出芳草咄彼
冒入險流青髮自催老日月無百年甘心坐茶蓼安得
震旦鐘警使夢醒早

叩門南巷生袖卷來問詩願爾北宮黜莫作東家施未
流競雄駿馳騁無室歸安爐不辨丹苦撫秦皇灰遠古
有所是守古有所非置足雲霧中升隕爭幾希但要數
人信何惜千人疑

論詩聊作詩詩成復傳酒熙熙身且忘身外更奚有返

樸始見華用醇乃徵厚參理及至微呼吸亦無苟所施
視所受何庸語言剖清明本常存原非發露偶陽和方
滿樽嚴巖敢欺牖此樂誰喻言吾還願吾婦

鄰園紅梅花初開有作

海色如冰冰

去

天色九地陽和搜不得蓬萊東南姑射

山荒雪樓臺滿荆棘荆棘不死仙不迴鶴東瘦骨同東
柴鶴邊明月可憐影依依照損煙中苔五更朔風微轉
東梵林暗杵撞遙鐘笛奴晨報隔圍樹高枝已迸初鄂
紅香國襟裾賤桃李輕薄能雲未能水此花玉腕珠爲
魂力拒纖埃清徹底上頰亦有微醉時仙霞百鍊成凝

脂苦緣羣態習妖嬈坐招衆口來謾疑昨宵夢騎燭龍
舞手擷桑枝拂丹煦精華一洩難再收遂使人間有春
宇是何珊珊何亭亭六銖茜袖蝴蝶輕惜無二八凌華
妹倚鳳垂髻炙紫笙

除夕祭神

清酒瀾瀾神其醉止龍雲上犇神歸天門歸天門告天
帝帝曰嘻降之祥錫之瑞毋使窮鬼與若爲厲窮鬼告
退錢神來合家稽首心顏開 天子萬壽羣生罔猜明
朝元日登春臺